



BOSNIA AND HERZEGOVINA
MINISTRY OF FINANCE
AND TREASURY

Broj: 05-02-4-¹2900/16
Sarajevo, 21.3.2016. godine

BOSNA I HERCEGOVINA PARLAMENTARNA SKUPŠTINA BOSNE I HERCEGOVINE SARAJEVO			
PRIMLJENO: 25-03-2016			
Organizaciona jedinica	Klasifikacija	Redni broj	Broj prijema
50-1-15-26			16

BOSNA I HERCEGOVINA
Parlamentarna skupština Bosne i Hercegovine
Zastupnički dom
N/r Kolegij zastupničkog doma

Predmet: Odgovor na zastupničko pitanje Mirsada Isakovića.
Veza: Akt Kluba poslanika SBB-Fahrudin Radončić od 16.3.2016.godine

Poštovani,

U vezi akta navedenog u vezi, u privitku dostavljamo Odgovor na zastupničko pitanje Mirsada Isakovića, zastupnika u Zastupničkom domu Parlamentarne skupštine Bosne i Hercegovine, koje je imenovani uputio Vijeću ministara Bosne i Hercegovine 16.03.2016. godine, a na sjednici održanoj 17.03.2016. godine dobio usmeni odgovor.

S poštovanjem,

PRIVITAK:
-kao u tekstu

DOSTAVLJENO:
-Naslovu
-a/a



Mirsad Isaković, zastupnik u Zastupničkom domu Parlamentarne skupštine Bosne i Hercegovine, je 16.03.2016. godine, uputio Vijeću ministara zastupničko pitanje sljedećeg sadržaja:

“Obzirom da je Prijedlog zakona o budžetu institucija i međunarodnih obaveza Bosne i Hercegovine za 2016.godinu usvojen, molim Vas da nam date podatke koliko je ekonomski kodova doživjelo predispoziciju, u kom odnosu za prva dva mjeseca od strane Budžetskih korisnika, naravno uz saglasnost Vijeća ministara Bosne i Hercegovine.”

Na postavljeno pitanje, tražen je usmeni odgovor, ali je nakon datog usmenog odgovora Zastupnik zatražio i pismeni:

ODGOVOR

UVODNE NAPOMENE

Polazni temelj za postupak i način **prestrukturiranja** proračunskih korisnika predstavljaju:

- Odredbe Zakona o financiranju institucija Bosne i Hercegovine („Službeni glasnik BiH“, br. 61/04, 49/09, 42/12, 87/12 i 32/13), koje se odnose prestrukturiranje –članak 16. ;
- Odredbe Zakona o proračunu institucija Bosne i Hercegovine i međunarodnih obveza Bosne i Hercegovine za 2016. godinu („Službeni glasnik BiH“, broj 101/15)- članak 19.;
- Odredbe Procedura o prestrukturiranju rashoda proračunskih korisnika za 2016.godinu (05-02-2-1812-2/16 od 27.01.2016. godine)

NAČIN I POSTUPAK PRESTRUKTURIRANJA

Sukladno navedenim odredbama zakonskih i podzakonskih akata Ministarstvo financija i trezora Bosne i Hercegovine proračunskom korisniku može odobriti prestrukturiranje rashoda **unutar ukupnog iznosa odobrenog u Proračunu 2016. godine za tog proračunskog korisnika.**

Važno je apostrofirati dio odredbi kojima je propisano da se sredstva na poziciji 611100 – Bruto plaća i naknade ne mogu prestrukturirati u druge namjene.

Sredstva predviđena za kapitalne izdatke ne mogu se prestrukturirati u druge namjene, ali unutar istih se mogu prestrukturirati rashodi.

Ministarstvo financija i trezora Bosne i Hercegovine može, takođe, odobriti prestrukturiranje rashoda proračunskom korisniku i u slučaju kada se prestrukturiranje rashoda vrši temeljem posebnih odluka Vijeća ministara Bosne i Hercegovine.

ANALIZA PRESTRUKTURIRANJA NA DAN 16.03.2016.GODINE

Ministarstvo financija i trezora Bosne i Hercegovine je, zaključno sa 16.03.2016.godine zaprimilo dva zahtjeva za prestrukturiranje od strane proračunskih korisnika.

- Prvi zahtjev za prestrukturiranje rashoda upućen je od strane Institucije ombudsmana za ljudska prava Bosne i Hercegovine i zaprimljen 26.02.2016.godine.
U okviru povećanja ekonomske kategorije 821300, zahtjevom za prestrukturiranje Institucija ombudsmana za ljudska prava tražila je dodatna sredstva za nabavu motornog vozila od 30.000 KM, a što nije usuglašeno sa Pravilnikom o uvjetima nabave i načinu korištenja službenih vozila u institucijama Bosne i Hercegovine („Službeni glasnik Bosne i Hercegovine“, br. 26/14, 81/14 i 78/15) i iz tih razloga Ministarstvo financija i trezora Bosne i Hercegovine odbilo je zahtjev za prestrukturiranje i uputilo proračunskog korisnika da svoj zahtjev usuglasi sa navedenim Pravilnikom.
- Drugi zahtjev za prestrukturiranje rashoda upućen je od strane Ministarstva sigurnosti Bosne i Hercegovine i zaprimljen je 10.03.2016.godine.
Ministarstvo financija je nakon provedenih analiza odobrilo traženo prestrukturiranje Ministarstva sigurnosti Bosne i Hercegovine čime se umanjuje pozicija 821500- nabava stalnih sredstava u obliku prava i uvećava pozicija 821300-nabava opreme za 17.000 KM, kako bi proračunski korisnik predmetnim prestrukturiranjem stvorio preduvjete za realiziranje projekta izgradnje jedinstvenog informacijskog sustava sigurnosnih provjera i izdavanja sigurnosnih dozvola, koji će biti financiran, kako je naveo proračunski korisnik od strane Europske komisije.

REKAPITULACIJA

Dakle, u razdoblju od usvajanja Zakona o Proračunu institucija Bosne i Hercegovine i međunarodnih obveza Bosne i Hercegovine za 2016. godine do danas, Ministarstvo financija i trezora Bosne i Hercegovine je zaprimilo dva zahtjeva za prestrukturiranje, od kojih je jedan odobren (u iznosu od 17.000,00KM i to ekonomskoj kategoriji 8213- nabava opreme), dok drugi zahtjev (u iznosu od 30.000,00KM nabava opreme ekonomska kategorija 8213- nabava opreme (motornog vozila) je odbijen. (PRIVITAK-TABLICA)

Podaci o broju proračunskih korisnika koji vrše prestrukturiranje kao i ekonomske kategorije koje se prestrukturiraju iskazuju se u periodičnim, odnosno godišnjim izvješćima o izvršenju Proračuna i isti se dostavljaju sukladno Pravilniku o financijskom izvješćivanju institucija Bosne i Hercegovine („Službeni glasnik BiH“, broj 25/15), Vijeću ministara Bosne i Hercegovine, Predsjedništvu Bosne i Hercegovine i Parlamentarnoj skupštini Bosne i Hercegovine.

Nakon usvajanja, periodična odnosno godišnja izvješća o izvršenju Proračuna objavljuju se na web stranici Ministarstva financija i trezora Bosne i Hercegovine.

Prilikom odobravanja zahtjeva za prestrukturiranje odobravaju samo iznimno opravdani zahtjevi za prestrukturiranje proračunskih korisnika utemeljeni na adekvatnim analizama i usuglašeni sa podzakonskim odredbama.

Proračunski korisnik	Zaprimljen zahtjev za prestrukturiranje	Odbijen zahtjev	Odobren zahtjev za prestrukturiranje	Proračun za 2016.god.	Ekonomska kategorija- Povećanje	Ekonomska kategorija - Umanjenje
Institucija ombudsmana za ljudska prava	26.02.2016. god.	02.03.2016.god.		2.368.000 KM	821300- 30.000 KM	613200 -2.000 KM 613300 -3.000 KM 613400 -8.000 KM 613500 -5.000 KM 613800 -4.000 KM 613900 -8.000 KM
Ministarstvo sigurnosti Bosne i Hercegovine	10.03.2016.god.		15.03.2016.god.	8.765.000 KM	821300- 17.000 KM	821500 -17.000 KM